



MEMAJUKAN MASA DEPAN MALAYSIA: MENGHASILKAN IMPAK DENGAN TUJUAN



Khazanah terus memajukan misi untuk membina daya tahan dan daya saing Malaysia bertunjangkan rangka kerja 'Sebuah Negara Berdaya Cipta' (ANTC). Pada tahun 2024, kami menyambut ulang tahun ke-30, menyampaikan kemajuan yang stabil, disokong oleh prestasi kewangan dan pengukuhan portfolio kami. Antara pencapaian tahun ini, penswastan Malaysia Airports Holdings ternyata merupakan langkah penentu untuk meningkatkan ketersambungan dan daya saing global Malaysia.

Melangkau ini, kami memangkinkan ekosistem modal teroka Malaysia melalui pelancaran Jelawang Capital, memajukan industri semikonduktor dan tenaga boleh diperbaharui negara dan menyokong pertumbuhan inklusif melalui latihan belia dan penggiatan semula warisan. Usaha-usaha ini menggariskan komitmen kami untuk menyerlahkan potensi negara di samping memupuk daya tahan sosio-ekonomi jangka panjang.

Kami menjemput anda untuk meneliti Laporan Khazanah 2024, yang menghuraikan dengan lebih terperinci pencapaian kami serta strategi yang mendorongnya.



SIAPA KAMI



Khazanah Nasional terus memacu nilai mampan untuk rakyat Malaysia.

Khazanah Nasional Berhad (“Khazanah”) ialah dana kekayaan berdaulat Malaysia yang ditubuhkan untuk menguruskan aset komersial kerajaan dan membuat pelaburan strategik bagi pihak kerajaan. Diperbadankan pada 3 September 1993 dan mula beroperasi pada 1994, Khazanah dimiliki penuh oleh Kerajaan Malaysia melalui Menteri Kewangan (Diperbadankan) dengan satu saham yang dipegang oleh Pesuruhjaya Tanah Persekutuan (Diperbadankan).

Khazanah menguruskan portfolio luas dan pelbagai yang termasuk syarikat-syarikat tersenarai Malaysia yang matang serta sektor-sektor yang tinggi pertumbuhannya dikenal pasti sebagai kritikal kepada pembangunan jangka panjang negara, pasaran, aset dan rantau.

Dana ini juga memegang pelaburan antarabangsa yang ketara merentas pelbagai lingkungan kelas aset, sektor dan geografi. Khazanah telah mewujudkan pejabat-pejabat serantau di China, Türkiye, India dan Amerika Syarikat. Pejabat-pejabat ini memainkan peranan penting dalam mengenal pasti peluang-peluang dan menguruskan peningkatan pendedahan antarabangsa dana ini.

Khazanah beroperasi dengan mandat jelas untuk menghasilkan pulangan terlaras risiko mampan selain menjana nilai ekonomi dan sosial jangka panjang Malaysia, sejajar dengan komitmen untuk memajukan kepentingan negara dan matlamat pembangunan.

Istanbul, Türkiye

Mumbai, India

Shanghai, China

Kuala Lumpur, Malaysia

New York, Amerika Syarikat



IMBAS SINI
untuk mencari lokasi
Pejabat Wilayah kami

TUJUAN KAMI

Kami melabur untuk mencipta nilai mampan, menyasarkan kemampuan jangka panjang bagi pihak berkepentingan kami.

Kami bekerja seiring dengan kerajaan, industri dan komuniti untuk memacu kemajuan Malaysia melalui strategi Kemajuan Malaysia. Objektif utama kami adalah untuk menjana pulangan jangka panjang di samping menguruskan risiko portfolio. Selain menyokong prestasi kewangan, kami membantu melonjakkan pertumbuhan sektor-sektor baharu dan perniagaan tempatan untuk meningkatkan kedudukan Malaysia pada peringkat global dan membolehkan kejayaan ekonomi mampan di samping memupuk komuniti yang berkembang maju.

Memajukan Malaysia untuk Jangka Panjang

Empat imperatif strategik membimbing misi kami untuk menghasilkan nilai mampan untuk rakyat Malaysia. Ini termasuk menjadi pemain korporat dalam pasaran modal Malaysia yang mendorong pertumbuhan ekonomi, pelabur global yang membolehkan pertumbuhan portfolio dan aliran pengetahuan, rangkaian dan peluang, pembina kapasiti dan pelabur pemangkin dalam membuka peluang-peluang pertumbuhan baharu.

